

Chhuah ñan: Oct., 1984

SEPTEMBER, 2018

RAMTHAR



Khagaria Kohhran Biak In (Patna Mission Field)

- # Kum 2004-a Kulikawn Kohhran leh Aizawl Venglai Kohhran ten an sak
- # Kum 2011-ah Khagaria Bial thar hawn a ni a, Pastor thuthmun a ni nghal
- # A din ñan (2004)-ah member 50 awmin, tunah member 134 an awm.

SERMON

PHELH ULA, KALTIR RAWH U...phêk 5 - 7

EDITORIAL BOARD 2016 - 2018

Editor	: Rev. Thangzauva	9612950043 (M)
Joint Editors	: Dr. Robert S. Halliday	9862374232 (M)
	Upa Zoramthanga	9436362385 (M)
	Pl C. Lalramparl	9436190803 (M)
News Editor	: T Upa Lalbiakênga Fanai	9436366234 (M)
Cir. Manager	: Pu Lallawmnakima Hmar	8794905993 (M)
Publisher	: Rev. K. Lalrinmawia	9485140409 (M)

[Office hum chhúngin biak ni thei se]

Member-te

Rev. F. Lalrinnunga	: Synod Moderator
Upa. R. Dengzikpua	: Synod Secretary (Sr.)
Rev. B. Sangthanga	: Executive Secy., I/c Mission
Rev. J.H. Zaikima	: BEC Member
Upa H. Thangmawizuala	: BEC Member

Thu chhuah tûr nei chuan Email - ramtharchanchinbu@gmail.com-ah emaw
lehlam chauhvah ziaikin Editor emaw Cir. Manager, Ramthar Chanchin bu,
Synod Office, Aizawl, Mizoram (India) hnênah emaw thawn tûr a ni e.

Ramthar Chanchinbua thu chhuah hi a ziaaktu mawhphurhna a ni.

SYNOD MISSION BOARD HOTUTE:

Rev. B. Sangthanga	Executive Secretary	9436372139
Rev. K. Lalrinmawia	Secretary	9485140409
Dr. Robert S. Halliday	Coordinator	9862374232

KUM KHAT LÂK MAN - ₹ 60/-

A CHHUNGA THU AWMTE

- | | |
|---|---------|
| 1. Editor thukhawchâng | - 1 |
| 2. Keimahni | - 2 |
| 3. Field Chanchin Thar | - 3-4 |
| 4. Sermon | - 5-7 |
| 5. BUHHMUN AṬANGIN: | - 8-25 |
| (1) Patna Mission Field rawngbâwlna | |
| (2) Ṭawngṭai chhâna - Thlarau Thianghlim... | |
| (3) Vohbik chawimawina Lallukhum | |
| (4) Upa Tomsen Khandu chanchin tlangpui | |
| 6. Ramthar Feh | - 25-32 |

BEIHRUAL CENTENARY CHIBAI!

Pathian hruainain Beihrual kum 100-na ‘**Centenary**’ (1918-2018) kan lo thleng ta reng mai. Min hruai thlengtu Pathian hnênah làwmthu i sawi ang u. Beihrual hmangtu zawng zawngten hlim leh ãangkai taka in hman ðheuh theih nân Ramthar Chanchinbu Editorial Board member-ten duhsakna kan hlân che u a, chibai kan bûk a che u.

Beihrual neih chungchâng lo hre thar ila. Mizoram Hmar-Chan Kohhran (Presbyterian) pum pui hi Presbytery pakhat kan nih lai chuan kum khatah inkhâwmpui wavi hnih neih ðhin a ni a. March 15-18, 1918 Presbytery Aijal-a neih chuan Assembly thu lût, Beihrual neih rawtna chu hetiang hian a rél a: **‘Kristian Beihrual-na hi June 1918 a hian lo awm ðan turin kan ruat a. Thla chawhma lam chu mahni Kohhran ho tan a in tih chakna tur leh in tih thianghlamna leh in tih ngah lawkna atan kan hmang ðheuh ang a, tin, thla chawhnu lam chu ringlo te tan a hman tur ani ang, mi hruai hram turin. Tin, Kohhran tin in an thawh-zia dan ðheuh tur an ngaihtuah ang,’** tiin (Presby. 1918 No. 10). Kum 1925 aþangin September thlaah chàwl lovin hman chhunzawm zél a ni ta a ni.

Kum 2016 Synod General No. 9-na chuan Beihrual kum 100-na hriat rengna hlâwk zâwka hman tùrin a rél a, hetiangin: Thuchuah siam te, Beihrual Centenary kumah hian chhúngkaw tin tlawh chhuah te, ni tin chhúng inkhâwm nei tùr te, sàwma pakhat pe tùra ðan lâk te, Pathian biak inkhâwm ngai pawimawh tùr te, min néktu boruak hrang hrang - Politics chungchâng te, Kohhran ngaih pawimawh inzirtír te, Street Preaching neih te, Kristian chhúngkaw Ni (30.9.2018) chawhnu inkhâwma Kohhran member inkhâwm kim tùra ðan lâk te, Centenary làwmna ruai/thingpui buatsaih te, Synod-in Beihrual hriat rengna (tablet) siam se, Kohhran tinin thiam angin siam baw se, Beihrual thupui 2018 hi hlâwkpu ngei tùra hman ni se,” tiin (*Nilai leh Beihrual Thupui 2018 phêk 161-na*). Kum 2001 Synod chuan, *‘Kan Kohhran hma lâkna pawimawh - Kristian chhúngkua, Ramthar leh vântláng nun siam ðhatna lam thilte hi hlamchhiah loh ni se,’* a ti baw.

Beihrual Centenary hi mi mal, chhúngkua leh Kohhran ten hlâwk taka kan hmana, sala táng mékte tán chhuahna Jubili a lo nih theih nân Lalpan malsàwm rawh se.



KEIMAHNI**† TUARPUINA:**

1) Pu C. Seikunga. Ruantlang (88), NI C Lallawmsangi Evangelist, Daporijo (Arunachal West) pa chu ni 8.7.2018 khan khawsik avàngin a thi.

2) Pi Niangdawikim (72), Churanchandpur, NI. D. Bawinu, ET, Jonai (Arunachal North) nu chu thluaka thisen zám chat avàngin ni 25.7.2018 khán a thi.

Synod Mission Board-in lusún chhúngte a tuarpui êm êm a ni. Lalpan thlamuanin awmpui rawh se.

† CONTRACT-A THAWKTE HAMTHATNA ZIR CHIANNA:

Ramthar BEC chuan member pahnih - Upa H. Thangmawizuala leh Upa F. Lalfakzuala te chu Contract-a thawkte hamthatna atána *SBI Life Insurance Gratuity Scheme* zawm chungcháng zir chiang tùrin a ruat a. Zir chianna hi peih a ni tawh a, Synod Mission Board Committee hmasa berah ngaihtuah a ni ang.

† AMERICAN SAMOA-A THAWKTE TERM ZO: *Council for World Mission* hnuaia American Samoa-a thawktu pathumte chu an *term* a zawh avàngin an rawn haw. An zínga pakhatin B. Ed. zirin, mi dang pahnihte chu Mission Field lamah an awmna siamsak a ni. Tùnah hian Sri Lanka, American Samoa leh Samoa-ahte hian kan (SMB) missionary thawk an awm ta lo a ni.

† ZIN: Ni 26 - 31 July, 2018 khán Dr. Robert S. Halliday, Coordinator, Synod Mission Board chu Delhi-ah Transworld Radio Board Meeting-a tel tùr leh Delhi Mission Field-a Project thar pahnih zir chiang tùrin a kal.

† RAMTHAR CAMPAIGN: Ramthar Ni (Ni 31 August, 2018) hmangin hêng mite hi Ramthar Campaign-in an kal: Bukpui Bethel Kohhranah - Pu K. Zothlamuana leh Pu Lalbiaknunga; Vanbawng Kohhranah - Rev. Vanlalawmpuia leh Pu C. Kapthanga; Aizawl Kohhranah - T. Upa Lalbiakenga Fanai leh Pi Malsawmtluangi; Tuikhuahtlang Kohhranah - Pu K. Ronghaka leh Pu T. Lalchhuangliana; Thupui Kohhranah- Pu Lallawmnakima Hmar.



FIELD CHANCHIN THAR

HOME MISSION SOUTH: Home Mission South-a kan hma lâkna tlánpuite chu:

1. Education: Kan rawngbâwlnaten tisa leh thlarauva hma an sâwn theih nán School lamah hma lâk a ni a. High School - 2, Middle School - 6, Prîmary School -9 kan nei mék. Kan thawktute hian School chauh ni lovin an hun neih ang angah mi inah léng kualin Chanchin Tha an hril thin. Zirna hi ringlo mite hnêna Chanchin Tha hrilhna remchâng leh tangkai tak niin, ringthar neihna hnâr pawimawh tak a ni. Heng bâkah hian Kohhran, mi mal, etc. chàwm missionary eng emaw zât an awm. Kohhran enkawl leh rawngbâwlnaah an thawkrîm êm êm a, sikulah an thawk ber. Bial leh kohhran mal enkawl, sikul 18 kan nei a ni.

2. Evangelism: Direct Evangelism lamah hian hma lâk uar chhoh mék a ni a. Tûn hmaa Gospel Team pahnih - Bru/Chakma Gospel Team leh Chakma Gospel Team te a huhova awm thin pawh a tûl huna koh khâwm mai theih tûrin khaw hrang hrangah sem darh vek an ni. Anni hi *direct*-a mi va kawm thin an ni. An tangkaiin, ringthar kan neihna hnâr ber an ni. Mahni thawhna tawng thiam eng emaw zât an awm tawh laiin, la inzir mékte an la awm baw avângin rawngbâwlina a chak har deuh a, tawngtaipui an ngai hle.

3. Medical: Tihdam rawngbâwlina hi kan hma lâkna pawimawh tak a ni a. Kan thawhna hmunte hi hmun hrisel lo leh damdawi lama thawk awm that lohna a nih avângin damlo buaipui ngai an ngah hle thin a. Tin, Chanchin Tha duh lo, tawngtai pawh phal ngai lote pawhin he rawngbâwlina kal tlanga Pathian hnathawh avâng hian mak tak maiin Lal Isua an hmuh phah hial thin. Sawi tawh angin Doctor-te awm lohna hmuna awm an ni baw a, natna khirh tak tak - hliam pui, naute kaw chhúnga thi buaipui te, Cancer thlengin an buaipui a, thil mak tak tak pawh a thleng fo a ni.

4. Craft Centre: Kan rawngbâwlnaten kut themthiamna neia, ni tin eizawna thlenga hma an sâwn theih nán Puan thui zirna hmun hnih (Chawngte 'C' leh Damdep-II)-ah hawn a ni baw. Zirlai hi kum khat chhúngin centre pakhtatah mi 10 zêlin an zir thin a. Hêngahte hian

ringlote lo lûtin an hnênah Chanchin Tha kan hrilh mék a, ringthar pawh kan nei nual tawh a ni. Hênga zir chhuakte hian an awmna theuhvah hma la zuiin an tangkai phah hle.

5. Masihi Sangati Gospel Team/Evangelist: Masihi Sangati lamah hian lian taka hma lâk mék a ni bawk a. Evangelist-te hian Bial neiin Fellowship an enkawl a, ringlo hnênah Chanchin Tha an hril reng bawk. Gospel Team-ho hian hmun hrang hrangah *programme* siamin ringlo an bei reng bawk a. Kan ringthar neih tam zâwk hi chu Masihi Sangati rawngbâwlina a tang hian a ni a, an tangkai tak zet a ni.

Kan rawngbâwlinaah ringlote a tangin a lang a pauvin dodâlina awm lo mah se, anmahni lamah an theih ang ang chuan Kristian ni lo tûrin an inbei ve reng a. A bikin Chakma Area-ah hian a ni zual a. Kan rawngbâwlina tâna tûl **ram** neih pawh a harsa hle. Hetih lai hian Chakma-ho hi tûn hmaa Chanchin Tha duh lo, hrilh pawh hrilh hleih theih loh thin kha an inhawng thar ta deuh a, an thalaiteah pawh ringtu tam tak an awm tawh a ni. Rawngbâwlina a inhawn chhoh zêl lai hian Kohhranhovin tan kan lâk zual sauh sauh a tûl khawp mai.

Kohhranhote Chhim Bial lam min ngaihvenin min rawn tlawh mai bâkah, thilpêk nèn tan in la thin hi ropui kan ti a, kan hlâwpui bawk a, lâwmthu kan sawi mawlh mawlh a ni. Chhim lamah tan rawn la zêl tûrin kan inngen e.

Kan thawktute awmna eng emaw zât hi hmun kîl khâwr leh hrehawm, hmun hrisel lo takte a ni hlâwm a, ke-a thui tak tak kal ngaihna hmunte pawh a la awm nual bawk. Hetiang a nih avâng hian thawktute zingah hrisel lo tak tak pawh an awm nual a, inkal pawhna leh inbiak pawhna that tâwk loh avângin natna leh harsatna an tawh châng pawhin buaina kan tâwk fo thin. Amaherawhchu, chhêl taka tuarin, rawngbâwlina tlansan erawh harsa an ti hle thin. Hetiang hi kan dinhmun a nih avângin min tawngtaisak rengtu Kohhranhote nasa lehzuala min lo tawngtaipui zêl tûrin kan ngen che u a ni.

- Rev. R.C. Lalnghakliana

Administrative Secretary, Synod Office, Lunglei

Email: synodofficelunglei2013@gmail.com Mobile: 8794890701



SERMON

PHEH ULA, KALTÍR RAWH U

Johana 11:39-44

Upa Lalnunmawia
Bawngkawm Chhimveng

Kan biak lai Pathian, lei leh vãn siamtu hian, a tisa put lai niah te khán, bote leh sual phuar mék te hi min hmangaih êm avàngin bawhchhiatna sual avànga Lazara thihnaah khán tùm hnih lai chu a ɬap a ni. Arawn kal chhan ber pawh boralte zawnga chhandam tùr leh sual phuara awmte phelh hi a ni tih min hrilh a ni.

Lazara te chhúngkua leh Lal Isua inhmangaih-na: Bethani khuua Mari te unau ang hian chhúngkaw tinte hi Lal Isua nèn inhmangaih ɬeuh ila, a nuamin a va duhawm dawn êm! An nuɬa, Lazara dam loh chungchángah Jordan ràl, khaw dang daiha rawng-báwla awm mék - Lal Isua hnênah, “*Lalpa, i hmangaih Lazara kha a dam lo ve,*” tiin zualko an tìr a. Anni unauvin Lal atána Lei leh Vãn Lalber, Engkim siamtu an lo neih tlat mai hi an va vãnnei tehlul êm!

Mari te unauvin thlàn thlengin an zui: Lal Isua an hmangaih êm avàng hian a hnênah pawh an pangchang ve a. Lal Isua arawn thlen har chung-chángah pawh, “*Lalpa hetah awm ni la chu kan nuɬa a thi lo tùr,*” tiin

Lalpa kha an ɬah khum bawrh bawrh mai. Lal Isua an rinzia leh an hmangaihzia hi an entawn tlâk hle mai. Marthi a ɬawng chhuak leh ta a, “*Tûnah pawh Pathian hnêna i ngen apiang Pathianin a pe ang che tih ka hria e,*” tiin. Lalpa hi an ring mang e. Thu pawimawh èlkhèn Lalpan an sawi ta a: “*Kei hi thawhlehna leh nunna chu ka ni; tu pawh mi ring chu thi mah se a nung reng ang,*” tiin.

Mari chuan, “*Lalpa, heta awm ni la chu kan nuɬa a thi lo tùr,*” a ti ve leh a. Anni unau hian Lalpa hlata awm an duh lo. An mangan vâwrtâwpah pawh Lalpa chhan chhuahna an chang ta a ni. Lalpa thu âwihin, thlàn thlenga Lalpa an zui zêl avàng hian an va vãnnei tehlul êm! “*Kei atán erawh*

zawng Pathian hnaih hi a tha a ni,' kan ti ve thei dawn em le?

“Lung hi chawisawn rawh u”: Pathian thiltih-theihna a lo lanna tùr leh thlarau boten Isua an hnaih theihna tùra anmahni hliahtu lung lum sawnsak hi kan mawhphurhna a ni. Lal Isuan khawvêla a rawn kal chhan ber min hrilh chu boralte zawnga chhandam tùr leh sual phuara awmte phelh hi a ni. *‘Hêng mite zingah pakhat boral pawh hi in Pa vâna mi duh zâung a ni lo ve...lung hi chawi saunsak mai rawh u,’* min ti a ni e.

Keini lamin, *“A uih tawh ang,”* kan tihte pawh hi Pathian hmangaihna puan hian a la tlinin a la kuangkua duh asin. *‘Chhúngkua, khawtlang leh kohhran hial pawhin tih-ngaihna in hriat tawh loh te (leh Kraws lèra mi sual an khenbehte nèn lam khán) ka hnênah Vâna awm ve tùrin han hruai rawh u. Anmahni delhtu lung kha chawi saunsak ula; a uih tawh ang ti rêng rêng suh u,’* min ti e.

“Phelh ula, kaltír rawh u”: Lalpa chuan mi táng

rûmte chu ngaithla tùr leh, thi tùra ruatte chu phelh tùrin min ti a (Sâm102:20). Amah ngeiin, *‘Vânram chabi ka pe che u a nia. Leia in phuar chu vâna phuar a ni zui dawn a nia; leia in phelh pawh vânah phelh a ni ang,’* tiin min hrilh. Kan mawhphurhna hi a sang hle; awm mai mai thei kan lo ni lo.

Lalpan thisen sênga a tlante hian, an Tlantu tih hre lovin muang takin hremhmun hmabâkin an la awm a nih hi maw! Eden sual phuar mékna chu Lalpan Kraws-ah min phelhsak tawh a; a chhandam tawhna thu tal hi kan hrilh ve dawn lo'm ni le? *‘Mi sual boral tùr chu a sualnaah a thi dawn a, hremhmunah a kal dawn a ni tih i hrilh loh chuan, an thisen mawh chu in lakah ka phût ngei ang,’* Lalpan min ti asin (Ezek 3:18).

Kan Lal Isuan, *“Pathian ram chu in hnên ata lâksak a ni ang a, a rah chhuah tùr hnam hnênah pèk a ni ang,”* (Mt 21:43) a ti. Kohhranin Chanchin Tha a hril zêl loh chuan a nih tùr leh a tih tùr a ti lo a ni. Lalpan vâna a lawn dawna a thuro-chhiaah, a ngaih

pawimawh ber a sawi kha i ngai pawimawh zêl ang u, kan ti fuh ber ang.

Unau duh tak, nang kha tuin nge phelh ve tawh che? Lalpa Thlarau Thiang-hlim hian mi sual chhandam ngai i ni tih a hriattir tawh chein, Krista hnên a kai thleng ve tawh che em? Chanchin lâwmawm hretute hi kan ngâwih reng chuan hrem kan tâwk ang, i hril darh zêl ang aw.

Lalpa thu thiltihtheih-na hi i hmang tangkai ang

u: Galili dila Petera te len deng pawh khân, zankhua-in rîm takin an dêng a, pakhat mah an man lo. Lalpan li thûk lam pana, a len dêng tùra a tih khân Lal Isua thu âwihin an dêng ta a; an lente pawh têt pheuh pheuh khawpin, lawng pahni pil lek lek khawpin sangha an man ta a nih kha. Lalpa thu anga tih hi hlawhtlinna a va ni tehlûl êm! *‘Lalpa mi kalsan rawh, mi sual ka nih hi,’* a ti ta chûl mai a ni. Lalpan mihring mantuah a siam zui ta a ni. Lalpa thu anga tite hian mi dangte chauh man lovin, Lalpa hman tlâkin anmahni pawh an inman tîin a lo ni.

Lal Isuan ni sawmli zet chaw a nghei a. Setanan remchâng laa a rawn thlêm khân Setana hneh nân Pathian thu hliir kha ni a hman ni. Lalpa thu hi i hmang tangkai zêl ang u. Pathian mi hman tîin Billy Graham-a pawh hian Pathian thu a sawina apiangah “Bible-in a ti” tih hi a hmang tangkai êm êm tîin a ni.

Kan Pathian thu chuan thi tùra hruaite chu chhan chhuaka, thi mai tùrte chu chhan chhuak thuai tùrin min hrilh. ‘Hei chu ka hre lo’ in tih mai chuan, thînlung buktu chuan a ngaihtuah dawn che u a nia. In nunna vawngtu chuan a hre kar dawn che u asin,’ (Thuf 24:11-12) min ti a nih hi.

Lalpan Vàn a lawn dawna a ngaih pawimawh ber leh a thu rochhiah chu, *‘Khawvêl zawng zawngah Chanchin Tha hi hril zêl rawh u,’* tih hi a ni mai. Kan Lal Isua ngaih pawimawh hi ngai pawimawh ila, thil dang zawng chu a dik vek a ni mai.

Lalpan a thu kan hman tangkai atâna min pêk hi i chhawr tangkai ang u aw.



BUHHMUN AṬANGIN PATNA MISSION FIELD RAWNGBAWLNA

Rev. R. C. Lalṭhavula, Field Secretary

Kum 1998 Synod Inkhâwmpuiin Patna mission Field hawn rem a tih angin kum 1999 khân Patna mission Field hi hawn a ni a. Kum 2008-a Jharkhand Field a indan khân member 2,500 zet a indanpui a ni.

Member 300 vêl nèn Patna Mission Field hian bul a ṭan thar leh a ni. Hetih hun lai hi Patna Mission Field tán chuan hun khirh tak a ni ve. Hma sâwn pawh a har viau a ni ang, kan hotu ṭhenkhat pheih chuan Patna Mission Field hi ṭhiah leh mai te pawh an duh rum rum a ni àwm e.

Mahse, a rawngbâwl-tute inpêkna te avângin Patna Mission Field chu tihmih a ni mai bîk lo. Zawi zawiin hma lam a pan ve zêl a. A din tirh aṭanga tûn dinhmun han thlir hian Pathian min hruaina ropui-zia hi hmuh hmaih phal chi rual a ni lo.

Kohhran dinhmun:
Patna Mission Field-ah hian Pastor Bial panga lai a awm

ve tawh a, member pawh 1,648 kan tling ve dêr tawh. Fellowship 38 kan nei mék a ni. Keimahni hmunhma ngeiah Biak In pali lai kan nei ve ta bawkl!

Nikum khân ringthar 225 kan nei ve a, kuminah hian ringthar 369 tal neih tumin ṭan kan la chho leh mék a ni. Kumin bîkah hian May thla thleng khân ringthar 56 zet chu kan nei ve tawh a; Hma bâk erawh a la ko hle.

Kohhran hmasawn zêl nân tiin Zoram Kohhran ṭhahnem ngaihna Masihi Sangati Convention-ah te, Hindi Bible School, Bawng-kawnah te kan member -te kan tîr ve ṭhin a. A hlâwk hlein kan hria. An inpêkna leh Pathian thua an hmasawnnate chu thu hranah

dah ta ila, an làm dân thlengin an rawn danglam haw thin. A hmaa rawmawl leh *gamchha* chung lama vai vira, mawng tisawi naw nawa lám thin khan làm kual an rawn ching thar a, Mizo min rawn ngaisang haw a, Mizo ram faizia te, nawm zia te, Mizote inhmangaihzia te, felzia te, hahîpin an rawn sawi thin. Thenkhat phei chuan Vànram nèn an tehkhin hial thin. A làwmawm êm êm rualin thil tha lo Zoramah an rawn hmu palh ang tih a hlauhawm hle thin.

Thawktu dinhmun:

Kan Field-ah hian member kan pun rualin thawktute pawh kan pung ve zêl a, tûnah hian missionary 52 kan awm mék a. Field Worker leh Kraws Sipai 40 zet kan nei bawk. Tichuan, Bihar buh hmunah hian mi 92 zet chu kan bung ve mék a nih chu. Amaherawhchu, Bihar ram zauzia leh mihring tamzia ngaihtuah erawh chuan thawktute hi kan la beitham hle.

Pathianin Missionary chhuanawm tak tak min

pêk rualin, Field Worker-te erawh duhthusâm lâk tûr kan hmu lêm lo. Kan mamawh êm avângin kan hmuh chhun kan la lo thei lo. ‘*Tu nge i hming?*’ tiha, ‘*Keimah maw?*’ ti deuh hú thinte pawh kan lâk a ngai. A hahthlâk châng a tam hle. Kan missionary-ten dawhthei takin an enkawl a. Zirtîr chawpin rawng an bawl a ni ber. Kan missionary-te han tàwnng deuh uaih uaih te pawh an awm nawk thin. Thawktu zingah, naupang *baptisma* chantîr tûl ti lo, thlawr aia inhnim sawi mawi zâwk tlat te pawh kan thawhpui hrâm hrâm a tûl si.

Rawngbàwl dân tlângpui: Direct Evangelism leh Indirect Evangelism hmangin rawng kan bawl ve ve. Kan rawngbàwl dân tlângpui chauh han târ lang ila:

1) Direct Evangelism:

‘Oureach’, ‘Prachar’, ‘Personal Evangelism’ leh ‘Seeker’s Meet’-te hi *Direct Evangelism*-a kan rawngbàwl dân tlângpui chu a ni. A huhovin zàn hnih zàn

thum riakin kan feh chhuak thin a, hei hi 'Outreach' tiin kan sawi mai thin. Sermon, Medical Clinic, Film show leh Personal Counselling tein hun kan hmang tlângpui.

Kum tinin wawi 10-15 vêl Outreach hi kan nei thei thin. Thawktu inhnaivai deuhthe Group-a insiamin, kâr khatah tum hnih kan feh chhuak bawk thin. Hei hi 'Prachar' tiin kan sawi mai a. Patna Field-ah hian Prachar group 18 lai kan nei nghe nghe. Khaw lum tak hnuaiah pawh kan missionary-te hian peih loh thu emaw chauh thu emaw an sawi kan hre ngai lo. Phûr takin rawng an bawl a, an chauvin an hah ve hle thin; mahse, an hlim êm êm a ni.

Fellowship-a rawn inkhâwm ve thin, baptisma la chang si lote pualin *programme* kan siam bawk thin a. Hei hi 'Seeker's Meet' kan ti. Kawthlêra programme siama, au-rinna nêna rîk búng búng hi tûnlai India ramah hian a rem tawh lo tan. Mi dang

chîm buai lohva, zalên taka Pathian thua inpawl hona neihpui hi a remchâng hle. Ei leh in chu a tûl dân azirin kan pe mai thin. Baptisma chang pawh eng emaw zât kan nei tawh a ni.

ii) Indirect Evangelism:

'Indirect Evangelism' hi India ram dinhmun mékah phei hi chuan a tûl zual ta hle mai. Zirlai ni bawk si lo, sorkar hnathawk ni bawk si lova vai rama kan awm ve ringawt hi an hre thiam mang lo; min ringhlel deuh nghâl mai zêl.

Patna Field-ah hian puan thui zirna (Centre) panga kan nei ve a. A tangkai êm avângin 'Extension' hmun li-ah kan kalpui bawk. Hei hi ringthar kan neihna hnâr ber pakhat a ni mék a ni. Puan thui zir tûr hian kum tin mi 60 vêl 'interview' hmangin kan la tlângpui.

Nikum khân mi 57-in an zir tluan a, hêng zînga mi pasarihin baptisma an chang nghe nghe. Baptisma chang chiah lote pawh hi Pathian thu mumal tak

dawng òthin an nih avàngin an òngkai zui viau òthin. Tuk tin ‘devotion’ kan neihpui a, Pathiannia inkhâwm tùrin kan beisei bawk òthin. Sum awm dân azirin puan òthui zirlai intawh khâwm kan buatsaih bawk òthin. A nuam an ti a, an hlim êm êm òthin. A zir chhuak kan thlah liam ni hi chuan an mittui a tla pir per òthin.

4. Harsatna lam:

Harsatna lian tham la tâwk lo mah ila, India ram dinhmun mék thlirin eng tikah emaw chuan kan la tâwk ve ngeiin kan ring. Rawngbâwl lo thei kan ni si lo va, fimkhur takin tûnah hian rawngbâwl hna kan kalpui ve mék a. Harsatna kan tawh ve tlém tê han tár lang ila:

i) Kumin kum bul lam khân Hudra khuua kan ‘Craft Centre’-ah harsatna lian tham vak lo kan tâwk ve. Nikuma kan zirlaiten an zirlai tuang takin an zir chhuak a. Zirlai thar tùrte tân ‘*Application form*’ December thla khân kan pe chhuak òtan a. Kan

rawngbâwl hna hnam ber ‘Das’ hnam hruaituten an mi leh sate zir lo tùrin an lo vaukhân a. A zir chhuak tawhte pawh an puan òthui khawl dawnte dah lét leh vek tùrin an ti a. Mahse, an rawn dah lét phal bîk lo. Hei vâng hian an buhpawlte an hàlsak a, an Bawng te, an Lawi te pawh an hrai hlumsak a ni. Zirlai thar tùr paruk kan lâk zînga pathum chu ‘Das’ hnam an ni a, an rawn kal zawm ngam ta lo va, mi pathum chauh kan nei ta a.

Amaherawhchu, kan thawktute òthahnem ngaihna leh hma lâkna avàng te, Kohhranho òawngtâina avàng te a ni ngei ang, zirlai pathum dang kan neih belh leh thei ta a, a lâwmawm hle. Chutih rual chuan hêng thil thleng avàng hian khaw chhúnga chéngte pawhin kan missionary-te hi an be òtha ngam hrih lo va, rawngbâwl pawh a harsa rih hle a ni. Hmun pakhatah pheii chuan tleirawlhovin kan nulate hi an serhte an lo hlim khum a, òawngkam mawi lo taka

lo ɬawng khumte pawh an awm a ni àwm e. Hêngte hi a rawngbawltu kan nih chuan kan tawrh a ɬul cháng a awm ɬin, kan zui Isua pawhin hmuhsitna nasa tak a tawrh avângin. Mahse, kan chung a lo thlen ve meuh hi chuan rilru a na duh hle. ɬawngtaipui kan ngai tak zet a ni.

ii) Pipra khuaah harsatna kan tâwk bawk. Nikum lam khân Pipra-ah hian Biak In sakna tùr ram zau vak lo kan lei a. Kumin March ni 21 khân hung tumin hma kan la a. Bungraw ngai tùrte pawh kan lei a, kan chhawp sa diam tawh a. Amaherawh-chu, vânduaitlâk takin, veng chhúng mi eng emaw zât inthuralin, *‘Hetah Biak In sak kan phal lo,’* tiin kan ban khúr laihte pawh min hnawhsak a, hma kan la zui thei ta hrih

lo bawk. He hmun hi dân ang thlapa kan ram a nih angin kut kan thlâk theih ngei nân ɬawngtaipui kan ngai hle bawk a ni.

A tawp berah chuan, missionary-ten harsatna kan tâwk ɬin hi a mak hran lo; kan tawh tùr rêng a ni ve. Puitu kan mamawh ngawih ngawih hun te pawh a awm ɬin. Hetiang hunah hian kan hmaa ding tùr sorkar emaw roreltu emaw kan nei ve lêm lo. Amaherawhchu, eng tik lai pawha kan hmaa ding ɬin Pathian kan nei. Kan Pathian hi awm mai mai lova chettír theitu chu Kohhranh hi an ni.

Chuvângin Zoram Kohhranhote theih tâwp chhuaha min lo ɬawngtaipui reng tùrin kan sawm che u a ni. Tichuan, kan rawngbâwl na pawh hian rah ɬa a chhuah zêl ang.

† Pathian thu hriltu hmingthang tak, Henry Varley-a (1835-1912)-a khân ɬum khat chu, *“Pathian hnêna inpe pumhlûm awm ta sela, Pathianin eng ang takin nge chumi chu a hman ang tih hi hriat phâk rual a ni lo,”* tih thu a sawi a. Chu thu chu D.L. Moody-an a lo hriat chuan, *“Chutiang mi chu ka ni ang,”* tiin a rilru a lo siam a. Henry Varley-an D.L. Moody-a thu sawi leh a nun dân a han hriat chuan, *“Hriat phâk rual loh ni tùra ka ngaih kha D.L. Moody-a nunah hi chuan a lo lang Chiang hle mai,”* tiin a sawi a ni.

TAWNGTAI CHHÀNNA - THLARAU THIANGHLIM HNATHAWH KAN DAWNG ZÊL E

*Lalliansangi ET
St. Peter High School, Madhuripathar
Arunachal West*

‘Miss, Miss Lipi...’ tia au rî chuan kan hmunphiah chu chhuatah min paih thlaktir ðhuai a. Hostel lamah chuan ka tlan phei nghâl a. Hostel chhúng ka va luh chuan hmeichhe naupangho chuan an lo báwr khâwm ðaih a. A lian deuhho chuan chhuata ðhingthi chung a ðhiannu chu dawm pahin min lo en há a, a tê deuhho chu hla deuh hleka ðing chungin an lo en ðhap bawk a.

Ka va kal hnaih chuan kan nau, hmeichhe nau-pang chu a lo ðap hlarp hlarp a. Ka zuk ðhingthi a, a hmingin ka ko va. Thei leh thei lovin minrawn en a, a la insút hlarp hlarp a. Mahse, a mitmeng ka en chuan a hmaa tibuai ðhinto thlarau ni tawh lovin, ‘*Thlarau Thianghlím hnathawh zâwk*’ a ni tih ka hre thei a. Chutih lai chuan kan thawhpui, ka ðhen-awma awm, ka tlan phei paha lo kal túra ka koh kha a lo lût a; ani pawh chuan thil awm dân arawn hrethiam ve nghâl a.

Naupangho hnênah chuan, “*Pathian hnênah*

lawmthu sawiin i ðawngtai ang u,” kan ti a. A tê ber aţanga a lian ber thlengin aw ráwl tâwpin Pathian hnênah làwmthu kan sawi ta a. Kan han ‘*Amen*’ a; naupang pakhatin hla arawn la ðan nghâl a. A ðhenin *bucket* an va la sawk sawk a, a khaikhupin an han beng a, zai khâwm chu kan ðan chu a ni ta deuh mai a.

Zai a tâwp thei si lo va, ‘*Heti ringawt chu*’ tiin kan Headmistress chu thil awm dân ka han hrilh a. ‘*Chapel-ah hian kan zai khâwm mai dawn em ni?*’ ka han ti a. Ani chuan, ‘*E! ti rawh u,*’ a ti a. Naupangho nèn chuan

Chapellam pan chuan kan inzui chho ta a. Kan thâwm hriain *Boys Hostel* nau-pangho chuan, 'Keini pawh kan tel ve duh,' an ti a. *Boys Warden* nèn kan inrâwn a, kan vai chhoh ta a.

thinlunga indona nasa tak a awm laia thlarau sualin a tihbuai thin a ni a. Amahe-rawhchu, hemi ni hnu lawkah hian a chhúngten *hostel* ațangin an rawn la chhuak a, kan rilru a na hle.

Chawhnu her thlengin kan zai khâwmta a. An chauh luattuk hlauih avàng khân titâwp lo ila chu zân kan ban tlang mai àwm asin. A thenin '*A tho ta*' tih hla an rawn thlang; amaherawhchu, nuih pawh a za lo. Kan zui, Isua hi kan tán a thi a ni ringawt lo; thihna hnehin a tho leh a ni tih hi a Chiang zual êm êm mai a, tui êm êmin kan nawn tlak tlak mai a ni. Keimah tak phei chuan khatiang taka tui leh, 'Isua hnehna chu ka hnehna a ni,' tia ka thinlunga hnehtu chan chang tak chungka ka sak ang khân ka la awm ngai lo.

Hemi nia kan naupang buaipui hi '*Dony Polo*' chhúngkua ațanga lo kal a ni a. Lal Isua hi Lal leh Chhandamtu atân a thlang a; mahse, a chhúngten an remti si lo. Chutianga a

Mahse, Pathian chuan kan hriat thiam phâk bâk leh kan hmuh phâk bâkin hman tumna a nei a lo ni si. Kum 2018, a rawn her chhuah meuh chuan an chhúngkuain Baptisma an chang tih chu kan thu hriat a ni ta! A va ropui thin êm! Lalpa chu fakin awm rawh se!

St. Peter High School hi Madhuripathar, Dhemaji District, Assam State-a awm a ni a. A awmna hmun hi a remcháng êm êm a. Arunachal Pradesh State leh Assam State inrî-na lai tak, Assam chhúng sia awm a ni. Ramrî tih takah hnam chi hrang hrang an inawm pawlh nasa hle a. Assamese, Bengali, Bihari, Nepali bâkah, Arunachali hnam hrang hrang - Boro, Missing leh a dangte hi hnam lian tham deuh helai hmuna chêngte an ni.

He sikul hi Arunachal Pradesh ram chhúng lama sikul din theih si loh, Arunachali-te hnêna Chanchin Tha hril nána din a ni a. He sikul hostel-ah pawh hian Arunachal lam aṭanga rawn kalte dah deuh bîk leh duhsak bîk deuh an ni. Kuminah hian sikul naupang 600 kan nei a, chumi zínga 480 chu ringlo mi kan tihte an ni. Chuvàng chuan Chanchin Tha hril lamah ṭhahnem ngaih a na duh viau mai. Kár khatah ni thum, sikul ṭan hmain inkhâwmna kan neihpui ṭhin a, a dang ni hnih chu intlâr leh naupang endik nán kan hmang thung.

Devotion-ah hian Sermon, Bible chang vawn, zai ho, Bible Study, Story Telling, Sharing, Fellowship leh Variety Programme tein hun kan hmang a, zirtirtuten an inhruai chhâwk ṭhin a ni. He hun rei lo tê hi kan naute hnêna tih tak zeta Pathian thu kan hrilh theihna hun a nih avàngin a hlu êm êm a, Thlarau Thianghlim tihnun-na kan mamawh hle a ni.

Kan thawh ve hmaa helai hmuna ṭhahnemngai taka lo thawka, he hun lo hmang ṭhinte chi tuh chu keini hian anmahni awm tawh loh hnuah a rah kan seng mék a ni. Chhúng-kuaa baptisma chang tate leh ringtute pawh anmahni Kohhrana a kûl a taia han ṭang tate kan han hmu ṭhin hian min tihlimin, min cho hle.

Ni 4-8 June, 2018 khân Gospel Week kan hmang a. Speaker te neiin, zíng *devotion* hun leh *period* khat la péngin hun kan hmang a, a hlâwkin Pathian awmpuina kan dawng nasa hle. Naupang-ten thu an ngaithla ṭha tih hriat tak main, zawhna chhân sen loh an rawn theh lût a. Pathian Thlarau Thianghlimin hna a thawk chhunzawm zêl ang tih kan beisei tlat a ni.

Hostel-ah hian naupang (mipa leh hmeichhia) 100 vêl kan nei a, anniho pual hian Sunday School - Beginners aṭanga Senior Department thleng kan nei ve a ni. Mizoram

lama Sunday School zirlai bu hi kan lo zirtir ve thin. Thawhlehi leh Ningani-ah tlai inkhawm neihpuin, hla zir te, Bible cháng zir te, thawnthu ngaihthlák te, Thu inchháng (Mizorama thu inchháng zirlai bu) zirna te, tawngtairual te leh rilru sawina atán te kan hmang thin.

Rilru sawina hun han hman te hian mi 20 vélte an rawn indin chhawkw thin. Bible cháng te rawn chhiar chhuakin, an rilrua thu awmte lehkhah rawn zia chhuakin, an rawn sawi chhuak ve thin a ni. Pathian thuin an nunah thuk tak a luah tih hriat te leh keini an zirtirtu zawkte tán pawha chona thar paw chhuak tur khawpa thu an rawn sawi thin te hian kan rilru a va tihlim thin em!

Kan naupangte hian zawhna an ngah em em a, Bible cháng an hriat fiah loh te, *sermon* an ngaihthlák atanga hriat belh an duhte hi thawktu Quarters-ah kalin an zâwt nasa thei hle. Ringtu leh ringlotute pawhin an mi mal harsatna

chi hrang hrangah anmahni pui turin an zirtirtute hi min beisei hle bawkw thin. *Hostel*-ah Bible han chhiar thin tih hriat tak maia an Bible cháng an rin chung, 'Miss zâwt rawh,' tih lo inziak han hmuhte hian kan chanvo ropuizia leh inthlahdah thianga kan nih lohzia a tichiang thin.

Pathian faka zai leh làm an ning thei lo va, nikum 2017 Gospel Campaign kan neih zawh atanga tun thlang hian làm tual hi a khat map map reng mai a ni. Hei hi Pathian Thlarau Thianghlim hnathawh kan dil fo thin chhanna a ni ngei mai.

Kan naute, ringlo chhúngkuua mite hian harsatna an tâwk nasa thei thin hle. A cháng chuan chawlh laia anmahni ina haw te hi an hreh thei em em a, an chhúngte inthâwite an hnial thei si lo, hmuh hrehawm an ti thei hle. Chhúngkaw thenkhatin an Bible chhiar te, an tawngtai te (chaw ei dawn tawngtai thlengin) an phal lo va, kut hial an tuar thin a. 'Keima

kea ka din theih veleh
Baptisma ka chang ang,'
tiin an han inhnêm leh
ngawt thin a.

Tap zawih zawihin an
harsatna min hrilh a; an nu
leh pa ringtu ni lo, an unau
ringtu ni lote an vei êm êm
a, ãawngãaipui tùrin min
ngen ngawih ngawih thin.
Rilru a khawih tak zet thin.
Kan naute, ringtu ni
tawhten an sikula an zirlai-
puite an han vei êm êm mai
te, an nungchang hmanga
an theih tâwpa Chanchin
Tha hrilh an duh ve te, an
Bible an lo hlân chhâwng
ve thin te leh 'Missionary
ka ni ve duh, eng nge zir
thlen ngai?' tia min han
zâwt phawng phawng thin
te hian beidawng thin,

thawktute nun hi a va
tichak thar thin tehlul êm!

Pathianin a Chanchin
Tha puan darhna atâna he
sikul leh *hostel* a din hi a
nih tùr ang taka hman a
nih chhun zawm zêl theih
nân Kohhranhote ãawngãai-
puina kan ngen tak zet a
ni. ãawngãai chhâna –
Thlarau Thianghlim hna-
thawh kan dawng zêl hi a
làwmawm hle. Thawktu
chak lo tak takte hian
Pathianin min hruai
khâwmsak, kan enkawl
tùra kan kuta a dahte hi
amah aãanga chhuak hma-
ngaihna nêna kan enkawl
theih nâna Pathian Thlarau
Thianghlim kaihhruaina
min lo dilpui zêl tùrin kan
ngen che u a ni.

VOHBÎK CHAWIMAWINA LAL LUKHUM

R. Lalropuia O/A
i/c Cachar Tlangram, Silchar

Dimasa Kachari Christian Fellowship (DKCF) te
chu ãum hnih (ni 22-27.5.18 leh ni 19-22.6.2018 chhúng
khan) Hatikhal (Bru khua)-ah rawngbâwlin an feh chhuak
a, an rawngbâwlina chanchin tlánpui kan han tár lang
ang e. (DKCF hi Barak Area chhúnga Bengali Project
hnuaia aum a ni a. Hêng lai vela hnam hrang hrangte hi

Bengali ṭawng thiam an nih hlawm avàngin hnam hrang hrang zingah rawng an bawl a ni).

A awmna lai: Hatikhal khua hi Vairengte to Silchar kawnga Kabuganj khua aṭanga khawchhak lama kalin, Khawbawn tlang bulṭhut, Tuirial lui kama awm a ni a. Tûn hma chuan Chakma an awm ṭhin a. Eng emaw harsatna avàngin an rauhsan a. Kum 1987 aṭang khân Bru-ho hian luahin in 90 vêl lai an awm a ni.

Kristianna lam: He khuaah hian Kristian pawl hrang hrang an lût tawh ṭhin a. Baptisma te pawh tlêm azâwng chuan an chang tawh ṭhin ni àwm tak a ni. Kum 2017 pawh khân UPC in Biak In din an tum a; a khuaa mite hian an lo remti tawh lo bawk a ni. SMB pawh hian 2002 khân Evangelist H. Lalhming-liana a dah tawh a. Hmar leh Dimasa inkára harsatna awm avàng khân kan chuahsan leh ta a ni.

Kan luh ṭan dân: Saiphai bul lawkah hian Bru khua (Batikhal)-ah

DKCF-ten hlawhtling takin rawng an bawl a. Rei lotê chhúngin Biak In te dinin ni 20.5.18 khân Barak Area Adminis-trative Secretary, Rev. Z.D. Lalhmachhuanan Biak In leh Preaching Station a hawng a. Anni hian an khaw piah deuh, Hatikhal-ah an chipuite an awm thu leh ringtu an awm loh thu an sawi a. Chumi chu bawhzuiin, DKCF-te hian ṭum hnih beihpui an thlâk ta a ni.

Rawngbàwl dân tlángpui: Kan Missionary DKCF te hian an khaw Headman In chu inngah nân an hmang a; mi inah léng kualin, Film te an chhuah bawk a. Missionary, Mary Lalrintlâki, Nurse hmangin ni khat chhúng Medical Free Clinic neih a ni a. Nurse-in dam-dawi a pêk apiang chu Evangelist Anthony Roy-a chuan a lo ṭawngṭai zêl a. Mi eng emaw zâtin taksa damna an chang a. Tha ná, khawsik, pum ná leh luhaia tlu ṭhin (*Phungzawl a ni ber*

àwm e) te an ni a. A ÷awngtai hian tûn hmaa an natna te leh an thlarau lam dinhmun a sawisakte chu a dik zêl mai si a. Mak an tiin, Pathian an rin phah lo thei lo a ni.

Rilru khawih zualte:

1) An khaw Headman-in a ram 80x30 feet vêla zau, a in chhak tlang zawl thengthaw nuam tak mai chu Biak In hmun atân a thlawnin min pe tawp mai a. Biak In hi sak zui nghâl tûra hma lâk a ni bawk. (*Ani hi Kristian a la nih loh mai bâkah RSS-a an hruaitupa leh Hindu sakhaw lama pawl pakhata hruaitu lawk tak a ni bawk*).

2) Hmeithai pakhat Mohirung-i chuan a fapa a têt laia kaiha thi lek lek chu a dam theihna tûrin Hindu pathian hnênah a hruai a. A intiamkam angin zu fir, tui pawlh miah loh chu dam chhûnga kawl tawh tûra tih a ni a. He an intiamkamna hi Lal Isuan a hnehsak thei tih Rev. Z.D. Lalhmachhuanan a hrilh chu pawmin, an chhûngkua mi paliin dam chhûnga Isua

Krista zui tûrin Baptisma an chang ta a ni. A zû pawh churawn la chhuakin AS hian a leih baw nghâl bawk.

3) Kristian-te kan lûta, Biak In hial a din tûr thu chuan Pu Ramthara (83), putar pui mai chu a tilâwm hle mai; a biangah mittui a luang zawih zawih a ni. Ani hi Kristian ni mah se, Kristian dang an awm loh avànga Kristian ang pawha awm tawh lo a ni.

4) Binda Rung-i chuan baptisma chan chu a duh hle laiin tûn hma lama Kristian lo ni tawhte eng mah lova an zuih ral leh ÷hin avàngin Baptisma chan mai pawh a hreh thu te, tih tak zeta tih ngei a duh thu te sawiin Rev. Z.D. Lalhmachhuana kutah Baptisma changin chatuan nunna rohlu chu a chang ve ta ni.

5) Lu haia tlu ÷hin damna chang ta hian an pafain Baptisma an chang a. An In bulah hian kan thawktuten Kraws an phunsak a. A bulah hian ÷awngtaina te an nei zui zêl ÷hin bawk.

6) Kristian zawng zawngten ran thlunga, Êk In leh ran In nei vek tùrin an intiam a. In leh a vèl pawh Kristian-te danglam-na tilang tùrin vawn fai an tum bawh.

Haw dawn tûk: Biak In hmun tùrah hian ringthar-te lo kal khâwmin kut insuih kualin an ãawngtai ho va. Haw lova chám tlang tùrin an ngen ngawih ngawih a; nimahsela, he lei dânah inthen a ngai si a. Inngai tak chung leh inhmuh leh thuai beisei chungin an inthlah liam ta a ni.

A khua deuh thawa Baptisma chan an duh lai hian BBC (Bru Baptist Church) lam an rawn lang a. Anni hian mi eng emaw zât chu an páwla lût tùrin an lo hmin ve leh a. Mahse, mi 24 lai chuan Baptisma chu an chang ta tho a ni. Feh chhuah tum hnihna (19-22.6.2018)-ah Pathian-in ringthar mi 21 lai min pe leh bawh a ni. Lalpan ropuina chang rawh se.

Biak In sak leh hawn: Ramhlun Kohhran chuan

Pathianni zing sa ei thawh khâwmin sum tam tham tak, ₹ 50,000.00 lai mai Hatikhal-a Biak In sak nán an rawn thawh a, kan lâwm tak zet a ni. Biak In hi 35x19 feet niin; a chung rangva, a rel thingtuai, a bang dâp a ni a.

Ni 8.6.18 tlai lamah a ban phun ãan a ni a. A tûkah ICI, Dolakhal aingan mi 24 lai rawn hnatláing, Tuiriala a hmanruda sa chu an thiar chuak a. Inchhun vuah zovin, a chûm tlém azáwng an zo hman bawh.

Ni 16.6.18 hian Reformed Presbyterian Church (RPC), Dolakhal Kohhran mi 26 hnatláng lehin, mau (Tuiriala mi) pu chhuakin an chik nghâl a.

Ni 23.6.18-ah EFCI, Dolakhal Kohhran mi 23 lai an lo thawk leh a. Mau chikin, a bang te an ping leh bawh.

Jurkhal Presbyterian Church (CHT) member 19-te pawh ni 26.6.18 hian an hnatláng ve leh bawh a.

Dolakhal leh Jurkhala Kohhran dang unauten Biak In sak hi chu an tih tùrah an ngai tawp mai a. Biak In sak bâkah pawh min òanpui nasa a, kan làwm tak zet a ni. Biak In a òin tâkah hian mi eng emaw zât chu lo lût leh tùra beisei an ni.

Ni 5.7.2018 khân Pathian Biak In chu zawh fel a ni a. Ni 28.7.2018 khân

Rev. Z.D. Lalhmachhuanan Biak In hi hawngin Preaching Station-ah hlan kai nghâl a ni bawk. Hemi ni hian mi pahnihin baptisma an chang nghe nghe.

He khawvêla lainat leh hmangaihtu nei lo, kan Bru unau, riangvai leh chanhaiten hnehtu lian chan, vohbîk chawimawina Lallukhum an han khum hi a ropuiin a làwmawm hle a ni.



UPA TOMSEN KHANDU-A CHANCHIN TLANGPUI

*F. Josua, Aalo
Arunachal North Field*

Upa Tomsen Khandu hi Pu Leki Khandu-a leh Pi Mendru Khandu-i te fa hming koh niin, ni 26.Sept.1937 khân Dirang khua, West Kameng District, Arunachal Pradesh-ah a piang a. Amah hi pa zaidam, nelawm, ngilnei, pa tlawmngai thei tak leh mi inngaitlâwm tak a ni. Pastor-te leh missionary-te hlim taka lo thawhpui òhintu leh òanpui òhintu a ni a; Aalo Pastor Biala Kohhran Upa awmchhun a ni bawk. Thlahtute àtanga Buddhist sakhaw zuitute an ni.

Kum 1962-a pawl sarih a pass bâk chu rambuai (*Indo- Chines war*)-in a nânchîn tâk avângin a zir zawm thei ta lo a ni. Mahse, chutih lai vêla pawl sarih zir thleng pha chu a hun lai

ngaihtuah chuan rual pawl pha tâwk tak a tling a ni.

Hemi kum vêk hian Dirang khua àtanging Yaki Tato-ah rambuai avângin an pém a. Kum 1974-ah

Yaki Tato khaw mi chu nupui ah neiin awmhmun a bêngbêl chho ve zêl a. A nupui nèn chuan fapa pakhat leh fanu pakhat an nei a ni. Vânduaithlâk takin, kum 1984-ah a nupui chuan a boralsan hlah mai a. Tichuan, kum 1988-ah nupui dang (*tûna a kalsan tâk hî*) nei lehin, fanu pathum leh fapa pakhat an nei leh a ni.

Rawngbâwlna lam: Ni 30.8.1987 (*nupui a neih leh hma chiah kum*)-ah Kristianah inpein, Baptisma a chang a; a chhúngten an tuithlâr ve nghâl. Vàn laia tla ang maiin, laina leh ngaihsaka tuam hlâwmtu pawh nei lovin leh, nu tel lova a fate pahnih enkawl chung chuan mite hmuh ve loh chu a hmuh tlat avàngin Lalpa tân rawngbâwlna bul a tan nghâl. Pahmei, nupui sún, chhúngten an tuithlâr ni mah se, rinawm leh chhêl taka rawngbâwl a thulh lo.

Evangelist atána lâk a ni: Hetih hun laia Aruna-chal-a Pathian rawngbâwl tûr hian huaisen leh chhêl pawh a ngai hle. Huaisen

leh chhêl taka a pen chhuah thinna chu a rawngbâwl leh zêlna atána kawng hawngtu a lonia. Kum 1989 khân Mizoram Synod-in Evangelist atán a ruai tan a. Hmun hrang hrangah rawngbâwlin a chhuak thin a, rawngbâwla a chhuah hian a tûl ang zêlin rei tak tak (*thla hnih/thum lai te*) a thang thin. Ke-a Km. 300 kal a ngaihna hmunte pawh ke-in a tlawh chhuak zêl thin a; khaw thenkhatah phei chuan thlen in a hnawng thin baw. Chûng hun lai te chuan, '*Isua ringtute hi ka unaute leh ka lainate chu an ni. Ka mal lo, khawvêlah hian,*' tiin hlim takin a chhuak thin.

Baptisma License pêk a ni: Mission Field-ah Pastor bial a zau va, Pastor-te an la indaih lovin, bial fan a hautak hle mai a. Ringthar baptisma chantirna hmunte pawh *motor* thlen phâk lohna, ke-a ni 2/3 kal ngaihna te a nih thin avàngin Pastor-ten an tlawh chhuak vek seng lo va. Chuvàngin, Synod-in kum 1990-ah Baptisma chantir thei tûrin Pu

Tomsen Khandu-a chu license a pe a ni.

Baptisma chantir theihna (*license*) a neih tâk aţang phei chuan ngawrh lehzualin rawngbâwlin a feh chhuak thin a. Krista avângin Jail-a tântir hial a tâwk a. Biak In ni se, khaw hrang hrangah an kut-kawih ngeia rîm taka an sakte chu ringlo miten an halsak thin bawk.

Hêng hun lai hian Kohhrante chu, ‘*Khaw hrang hranga ringlo miten Biak In an hal zât hi chhiar lo ula, Krista hmangaihna ropuizia hi chhiar thin ang che u. Biak In hi hmun hrang hrangah hal mah se, hmun khata mi hi chu vawi li/nga an hal nawnsak hman lo ang che u. Lalpan hna a thawk êm êm ang,*’ tiin a thlamuan thin. A sawi ang tak hian hmun khata mi vawi li/nga Biak In hal nawnsak hi an awm ta lo niin a lang.

A kutah hian mi 223-in baptisma an chang a, Arunachal Bokhar Area-ah phei chuan Kristianna pu lûttute zînga mi a ni nghe

nghe. Tûnah chuan Bokhar Area-ah hian Kristian chu 80% hial an lo tling ta a ni.

Upa (Elder) atân thlan

a ni: Pension thlengin taima tak leh rinawm takin Evangelist hna a thawk a. Kohhran enkawl zui zêlin, Pastor leh Missionary-te taima taka ţâwiâwmtu leh thawhpui tlattu a la ni zêl a ni. Ni 5.2.2009-ah Yaki Tato Kohhran Upa atân thlan tlin a ni a, hemi kum vêk (ni 11.10.2009-ah) hian Sillong-ah Yaki Tato Kohhran Upa atân nem-ngheh a ni.

A hun hnuhnung lam:

Bial OB post hrang hrang a chelh tawh mai bâkah, Bial pawnah pawh Speaker atân vawi eng emaw zât sawm leh rawih thin a ni. Joint Pastorate Meet (JPM)-ah pawh hruaitu a ni tawh bawk.

Ni 14.4.2017-a Pasig-hat Pastor Bial khâwmpuia Speaker-a a chhuak chu rawngbâwlnaa a chhuah hnuhnun ber a ni ta a. Hemi tum hian insawisel sain a chhuak a; inkhâwm-

pui zawha Itanagar Damdawi ina an inentir chu *Cancer* a ni tih hmuh chhuah a ni a.

Cancer hian a taksa a lo hneh tawh deuh avangin zai ngam a ni ta lo bawk. *Chemo* te khaiin, inenkawl ve bawk mah se, that lam a pan thei tak tak tawh lo va, kum 2018 kum tir atang pheichuan Biak In pawh a thleng pha ta lo a ni.

Lalpa Zanriah Sacrament hi a ngaih hluin a dah pawimawh thin hle. Chu chu Bialtu Pastor C. Lalchhuanliana chuan hriatpuiin ni 17.6.2018 khan a lawina kohhranah Sacrament a va buatsaih a. Chu chu a chenna Inah chantir vein, hei hi Sacrament a chan hnuhnung ber a ni ta a ni. Sacrament a chan atanga tuk thumna, ni 20.6.2018 chuan a rawng a bawl thin, Lalpa hnênah natna leh harsatna reng reng tuar tawh lo turin min kalsan ta a ni.

Tlang kâwmna: A dam laia harsatna leh buaina

hrang hrang tâwka chhêl taka rawng a bawl chhûnga a Bible châng duh ber chu Lalpa lo kal lehna chungchâng -1 Thes 4:13-18 hi a ni.

Upa Khandu-a hian, *“Hrehawmna leh harsatna tâwkin, chhúngten min tuithlâr mah se, leiah rettheiin chhuan tûr nei lo mah ila, ka rin Lalpa hi a lo kal leh tak tak dawn avangin harsatna hmunah pawh thlamuang takin rawng bawlin ka chhuak thin,”* a ti.

Pathian hmangaihna thu pawh a tuipui hle thin. Mizo hla lehlin *‘Hmangaiha min zawng chhuaktu, ka Lalpa’* tih hla pheichu mittui tla zawih zawihin a sa thin.

Leia a chan chu chhe hle mah se, vana kuta sak loh khawpui mawi chu Lalpan a tán a buatsaih a ni tih a hriat chian êm avangin a dam laia a hla duh ber pawh *‘Dony niyoki maye Zion’* (Ni tla ngai lo, Zion khawpui) tih hla hi a ni.

Pathian chhandamna chuan nun hlimna thurûk a pe a. *Cancer* natnain a tlâkbuak lai te, a thih dawn hnaih a la ãawng peih t̃êk t̃êk thleng pawhin, “*Pathianah vuina tùr eng mah ka nei lo. Ka kal a hun ve tawh zâwk a ni,*” tiin vui lo pawh ni satliah mai lovin, hlim takin hrehawm ti hmél pu hauh lovin Pastor leh Missionary-te leh a rawngbâwlpuite bulah a vânnèihzia a la sawi hrâm hrâm òhin. A taksa hian

Cancer natna hi thihpui mah se, a thlârau nun erawh chu *Cancer* natnain a tibuai pha ngai hauh lo.

A natna avànga amah tlawhtute bulah pawh *Cancer* leh a taksa natna chanchin aiin Pathian thu leh rawngbâwlina chanchin sawi hi nuam a tiin, a thlahlel zâwk.

**Arunachal Pradesh tána
Krista Pasal̃tha pakhat chu
a her liam leh ta!**

RAMTHAR FEH

1.

- | | |
|-----------------------|--|
| 1. Field hming | : Home Mission South |
| 2. Khua | : Bolia |
| 3. Tlawh hun | : Ni 19-24 March, 2018 |
| 4. Tlawhtu | : Thenzawl Field Veng Kohhran |
| 5. Kal zât | : Mipa – 19; Hmeichhia - 4 |
| 6. Tlawh chhan | : Hnathawh |
| 7. Hnathawh | : Biak in chung chih leh bangrel siam |
| 7. Senso zât | : ₹ 75,000.00 |
| 8. Làwmawm lam | : Ni 19 (Thawhlelni) chawhma dár 11:30-ah Rev. R. Lalremruata, Bialtu Pastor-in ãawngt̃aiin min thlah a. Pathian hruainain Bolia chu zàn dár 8:00-ah tluang takin kan thleng a ni. Bolia Kohhran Biak In (48x30 feet) hi a ban leh <i>beam</i> (RCC) ruhrel chauh a la awm a. Hun hmasa lamah Work Camp-in Biak In sak hna hi an lo thawk tawh òhin a; thlipuiin a len chhiatsak òhin avàngin Biak In nei lovin Missionary quarters-ah an inkhâwm òhin a ni. |

Ni 20 zing ațangin hna bul kan țin a. Ni 21 (Nilaini) zànah inkhâwmin, Upa C. Lalmangaihan thuchah a sawi. Ni 22 zingah Rev. R.C. Lalnghakliana, Administrative Secretary, Lunglei chuan a hmunah min rawn tlawh a. Bialtu Pastor, Rev. Michael Zorinpuian kan hnathawk min uap reng bawh a, an chungah kan lâwm hle. Ni 23-ah a chung kan chih zo a ni. Chokut (double paruk leh single pasarih) siamin, bangrêlte nèn a theih ang ang kan vuah nghâl bawh.

9. Report țin dang: Ni 24 chawhnu dâr 1:30-ah Bolia khua kan chhuahsan a. Zawlpui-ah thawktuten thingpui leh a hmeh tui tak min lo buatsaihsak a, Bialtu Pastor-in chawhlui min buatsaihsak bawh a, kan lâwm hle. Zawlpui ațangin tluang takin Thenzawl chu zàn dâr 10:45-ah kan thleng. Pathian Biak In saknaa tha kan thawh thei hi a lâwmawm hle. Bolia khuaah Pathian Biak In sak pum a nih ngei theih nân ținwngtâinaah pawh i hre reng ang u.

F. Zohmangaiha, Ramthar Ziaktu

2.

1. **Field hming** : Barak Area
2. **Khua** : Halampunji
3. **Tlawh hun** : Ni 29 - 31 Mar., 2018
4. **Tlawhtu** : Zamuang Kohhran
5. **Kal Zât** : Mipa – 14
6. **Tlawh Chhan** : Good Friday hmanpui
7. **Hnathawh** : Biak In leh quarters hung
8. **Senso zât** : ₹ 13,000.00
9. **Lâwmawm lam** : Ni 29 (Ningani) zing dâr 7:30-ah Pi Thanchungnungi, Ramthar Committee member-in ținwngtâin min thlah a; chawhnu dâr 1:20-ah Dulupcherra kan thleng. Hetah hian kan Kohhran ațanga missionary-a chhuak, Halampunji-a thawh mék, Nl. Vânlalzawnin min lo hmuakin min Bazar-pui a. Motor thlen theih chinah kohhranhote min lo hmuak a, kan bungrua leh paltung 2,000 zet chu min kenpui a, kan lâwm hle. Khua chu dâr 2:30 p.m.-ah kan thleng a; kan thlen vele hna kan țin

ngêh a. Khaw thim dawn thlengin kan thawk a; hei hi ni 31 zing kârah chhünzawmin, kan zo thei ta a ni.

Kohhranhöten min lo lâwmin min duhsak a, an bula awm nuam kan ti hle. Good Friday programme-ah thusawina hun tum thum min pe a; Kohhran mite hi Sakechep hnam an nih avângin tawng lamah harsatna kan nei lo. Ni 31 chawhma dâr 11:00-ah inngai tak chungin Halampunji kan chhuahsan a, Zamuang chu zân dâr 7:00 vêlah kan thleng leh a ni.

10. Report tûl dang: Halampunji hi Branch Church a ni a; Kohhran In 10, member 52 leh Tual Upa pahni an ni. Kumin atângin Puitling Sunday School an nei tan ve a, naupang lamah an neih sa, Beginner Department bâkah Intermediate Department an nei thar baw. KÏP leh Kohhran Hmeichhia te indin vein, kawng hrang hrangin hma an la a, Synod programme (ram pum huap) pawh an zâwm thei ve zêl a ni. Kum 2017-ah khân ringthar pahni an nei a, Salvation Army atângin kan Kohhranah mi 10 rawn lûtin, baptisma an chang baw.

Lalrinmawia, Ramthar Ziaktu

3.

1. **Field hming** : Barak Area
2. **Khua** : Zaite Pastor Bial
3. **Tlawh hun** : Ni 29 Mar. – 2 April, 2018
4. **Tlawhtu** : Dinthar Vengthlang Kohhran
5. **Kal zât** : Mipa – 9; Hmeichhia - 16
6. **Tlawh chhan** : Good Friday & Easter Sunday hmanpui
7. **Senso zât** : ₹ 96,364.00

8. Làwmawm lam: Upa K. Lalhminglian an tawngtâin min thlah a. Zing dâr 6:15-ah Ramthar Committee Chairman, Upa P.C. Mawian hovin Bus-in kan chhuak a, tluang taka kalin kan inngahna tûr Baruatila chu tlai dâr 4:15-ah kan thleng a. Thawktuten lâwm takin min lo dawngsawng a, zanriah tuihnai tak min lo buatsaihsak a. Kan chàm chhúng zawngin thawktute leh kohhranhöte duhsakna kan dawng a, engkim a tûl ang angte min buaipui a. Bial chhúng kohhran paruk kan tlawh a, thusawina hun min pe deuh

zêl a ni. Pathian faka zai a nuamin, Pathian biak inkhâwm pawh a nuam kan ti hle. Thawktuten kan kalna apiangah min hruai zêl a, a làwmawm kan ti hle.

9. Report tùl dang: Kan thlen zànah Baruatila Biak Inah kan inkhâwm a, Bialtu Pastor, Rev. Vanlalzualan Sacrament a theh a ni. A tùk Good Friday-ah Zailian Kohhran Biak Inah kan inkhâwm a. Inrinniah 'Winchester Tawngtaina In'-ah tawngt'ai hona hun remchâng kan neih avàngin kan *bethel* a. Haw kawngah Cheragi Kohhran kan tlawh bawk. Easter Sunday chawhmaah hmun thumah inthenin, Baruatila, Ronpur leh Ronpur Khawthar Kohhranah te kan inkhâwm a; chawhnuah chuan Zaite Kohhranah kan inkhâwm leh a ni. Bial chhúng kohhran pasarihte hnénah an mamawh leina tùrin Rs 37,000.00 kan pe. Thawktute nèn lungual tak leh inpawh taka Pathian fak leh chawimawia hun kan hmang thei hi làwmawm kan ti hle. Missionary-te inpêkna a ropui kan tiin, an rawngbàwlina a hmun ngeia kan hmu thei hi vânnai kan inti a, kan làwm hle.

R. Lalbiakmawia, Ramthar Ziaktu

4.

1. **Field hming** : Home Mission North
2. **Khua** : Thaidawr Tlangveng
3. **Tlawh hun** : Ni 29 Mar. – 2 April, 2018
4. **Tlawhtu** : Mission Vengthlang Kohhran
5. **Kal zât** : Mipa – 13
6. **Tlawh chhan** : Good Friday & Easter Sunday hmanpui; Hnathawh
7. **Hnathawh** : Biak In chhuat cement
8. **Senso zât** : ₹ 43,963.00
9. **Làwmawm lam:** Kohhranhote an phûr a, hna pawh phûr takin an thawk a ni. Inkhâwm an tha hle. Thawktute inpêkna a hluin a ropui hle.

10. Report tùl dang: Kohhranhote min lo làwmmin min hlut thiam hle. Kohhran pawh an tangrual tha hle.

Upa K. Lalremruata, Ramthar Ziaktu

5.

- 1. Field hming** : Tripura Mission Field & Barak Area
2. Khua : Kameshwar (Tripura Mission Field)
 leh Jugicherra (Barak Area)
3. Tlawh hun : Ni 29 Mar. – 2 April, 2018
4. Tlawhtu : Ramhlun Venglai Kohhran
5. Kal zât : Mipa – 15; Hmeichhia - 16
6. Tlawh chhan : Ramthar Kohhran dinhmun hriatpui
7. Hnathawh : Good Friday & Easter Sunday hmanpui
8. Senso zât : ₹ 1,06,075.00

9. Làwmawm lam: Noagang Mission Compound (Tripura)-ah thlengin, ei leh in erawh mahni kan intum a. Noagang Bialtu Pastor remruatnain Kohhran hrang hrang pasarih lai kan tlawh thei a, a hlu kan ti hle.

10. Làwmawm lo lam: Kohhran baihvai leh khawhar tak tak an awm a. Ramhuai hnêna inthâwina hmun leh sùlhnu hmuh tùr a la awm a. Chùngte chuan rilru a tina vawng vawng thìn.

11. Report tùl dang: Bus pakhat leh Gypsy pakhata kal kan ni a. Good Friday niin Group hnihah inthenin, kohhran pahnih – Kameshwar leh Jugicherra kan tlawh a, programme hlimawm tak kan hmang ho a ni. A bâk zawng chu Noagang Bial chhúnga kohhran hrang hrang – Joytang, Lungkam, ST Para leh Soileng te kan tlawh a ni. Lungngaih zàn leh Easter Sunday zàn erawh chu Noagang Kohhranah kan inkhâwm thung.

C. Sawitlinga, Ramthar Ziaktu

6.

- 1. Field hming** : Barak Area
2. Khua : Telkata, Kahrawt & Tlangpui
3. Tlawh hun : NI 29 Mar. – 2 April, 2018
4. Tlawhtu : Saron Veng Kohhran
5. Kal zât : Mipa – 4; Hmeichhia – 4
6. Tlawh chhan : Good Friday & Easter Sunday hmanpui
7. Thil tih : Medical Free Clinic
8. Senso zât : ₹ 69,500.00

9. Làwmawm lam: Cachar Tlangram, Kahrawt Pastor Biala Kohran hlun tak tak, kum 1950 báwr vêl ațanga ding tawh Kohhran pathum kan tlawh a. Bengali, Muslim leh Hindu kárah Mizoram Kohhran tih dân ang chiaha rinawm taka an lo inkhâwm ngar ngar hmél han hmuh chu a làwmawm hle mai. Chutiang bawkin, kum 1998-a Hailakandi Bial, Koyah Bangan-a Biak In (18x12 ft) kan sak, Chawlhmun Kohhranin kum 2013-a Chawlhmun Kohhranin an lo *repair* chu ța takin a lo ding a, a chhúng lam pawh an lo tifaí khawp mai. A bul chiaha Kristian chhúngkaw pakhat awmin, anni hian an lo enkawl a. An chhúngkua-in Pathianniah an inkhâwm țin. Saron Veng Kohhranin Biak In kan sak lai chuan chhúngkaw hnih an awm a; tûnah chuan chhúngkaw khatin an pemsan avângin an chhúngkaw chauhvín an lo la kristian ve char char a, an fakawm hle.

10. Report țin dang: Rev. Z.D. Lalhmachhuana, AS, Barak Area remruatnain Telkata-ah riakin hmung dangah lánghin kan kal țin a. Telkata hi Hachhek tlangdunga awm a ni a, tui an harsa hle. Țhál lai chuan tuikhur a kang vek avângin tui an lei țin a. Kawng a chhiat avângin motor-in a phurh pawhin a sâwi baw nasa a; to hle mah se, khua a thlen chuan tuizem chanve chauh a ni țin, an ti. Electric an nei lo va, Solar light an hmang țin. A țin chuan *wet battery* an lei a, chu chuan *mobile phone* an *charge*. *Signal* a ța lo ve lehzel a; heti chung hian missionary-ho chu an hlim phian mai. '*Lei lam signal an hmu ța lo va, chung lam signal an hmu ța a nih hi,*' kan ti a ni.

Cachar Tlangrama kan kohhranhovah chuan Kahrawt Kohhran leh Tlangpui Kohhran te hi a duhawm pawl tak an ni țin a. Tûn lai hian Winchester ram petu nih inchuhin kut te an inthlák hial a ni. Kohhran lam pawhin a chak loh phah hle dawnin a hriat a, țaungtaipui an ngai hle mai. Hun lo kal zel tûr ngaihtuahin Winchester Compound hungna ța tak siam a țin hlein kan hre bawk.

Upa C. Lalbiakthanga, Kohhran Ziaktu

7.

1. **Field hming** : Home Mission South
2. **Khua** : S. Chhimluang
3. **Tlawh hun** : Ni 29 Mar. – 2 April, 2018
4. **Tlawhtu** : Saron Veng Kohhran
5. **Kal zât** : Mipa – 6; Hmeichhia – 5
6. **Tlawh chhan** : Good Friday & Easter Sunday hmanpui
7. **Hnathawh** : Thli len chhiat, Quarters hungna pal
siam that leh a dangte
8. **Senso zât** : ₹ 33,200.00
9. **Lâwmawm lam:** S. Chhimluang kalna atân hian Pu
Dengthuama Zadengin Car a rawn thawh chhuahpui a. A
hmunah Car a thlen theih loh avângin Pu Chuahluna Pick
Up ken tel a ni bawk.

Hêng mite hian pawisa min pai a, kan lâwm hle:

- i) Pi Lalthangpuii – ₹ 5,000 (Petrol leh Diesel man atân)
- ii) Upa Lalthazuala – ₹ 1,000 (A tûl apianga hman atân)
- iii) Kohhran Committee – ₹ 5,000

10. Report tûl dang: S. Chhimluang Kohhran tanpui nân
Rs 10,000.00; Inrinnia Kohhranhote nêna ruai theh nân Rs
12,200.00 leh Damlo tlawh/tanpui nân Rs 4,000.00 kan
hman a ni. Good Friday leh Easter Sunday Special
Programme-a hun neituten hun an hman that vâng te pawh
a ni ang a: S. Chhimluang Kohhran hruaitute leh
thawktuten min beiseia min chah ngawih nghawih chu,
'*Gospel Camping min rawn neihsak hrâm teh u. Remchâng
rawn insiam ula,*' tih hi a ni.

Chuahluna, Ramthar Ziaktu

8.

1. **Field hming** : Home Mission North
2. **Khua** : Tuipuibari
3. **Tlawh hun** : Ni 29 March – 2 April, 2018
4. **Tlawhtu** : Serchhip Kawnpui Kohhran
5. **Kal zât** : Mipa – 17; Hmeichhia - 6
6. **Tlawh chhan** : Good Friday & Easter hmanpui
7. **Senso zât** : ₹ 79,000/-

8. Làwmawm lam: Ni 28.3.18 (Nilaini) zàn dár 11:00-ah Pastor H. Lalawmpuian Pathian hnêna tawngtaiin min thlah a, Upa C. Zonunsanga, Ramthar Chairman hovin kan chhuak a. Tluang taka kalin Ningani tlai dár 3:15-ah Tuipuibari kan thleng a. Tuipuibari Bialtu Pastor Zonunsanga leh thawktuten Pator Quarters-ah min lo hmuak a. Thingpui kan in zawhah hlim takin kan khawsakna tùra ruahman Sunday School Hall leh Nurse Qtrs. sak tharah kan indah fel a. Bialtu Pastor remruatna leh ruahmanna fel tak hnuaiah Kohhran hrang hrang paliah kan inkhâwm a. Hêngahte hian Pathian thuchah kan sawi hlawm a ni. Pastor leh Kohhran chungah kan lâwm tak zet a ni. Ni 2 (Thawhtanni) zingah Bialtu Pastor Zonunsangan Pathian hnêna tawngtaiin min thlah a, dár 7:00-ah Tuipuibari chhuahsanin, Thawhlehi zing dár 2:30-ah Serchhip kan thleng leh ta a ni.

9. Report tûl dang: Mizoram chhúng ngeia ringlo tam tak awmte hian ngaihtuahna a tithui hle mai. Tuipuibari Bial kan tlawh chhúnga Kohhranhote min dawnsawnaah làwmthu kan sawi a; thawktute inpêkna leh thawhrîmna kan hmuhin ropui kan ti. Ruah sùr vâng leh kawng that loh vânga Andermanik leh Tuipuibari Venghlui Kohhran te kan tlawh thei ta lo erawh chu a paw kan ti hle. Kohhran kan tlawhten thil a tûl apianga an hman atân Pastor kutah ₹ 30,000/- kan hlan a, tam tham lo mah se tângkai taka hman a nih ngei kan beisei. Kawng a that loh avângin kan Motor (Bus) a chhe nual a, Sairangah Workshop-ah kan lût a. Bus kan siam laiin Sairanga kan kohhranhote kan buai leh kan hrehawm hlauvin min buaipui a. Kohhran Hall-ah min chawhlthin thingpui leh a hmeh tui tak nèn min hrai puar a, kan rin loh leh beisei phâk loh duhsakna kan dawng hi ropui kan ti a. Puih tùr zawng, puih ngai pui peih reng, Sairang Kohhran kan tawng hi kan lâwm a, Kohhran leh Pathian chungah thinlung takin làwmthu kan sawi a ni.

I pêk Lalpan a hria asin, i làwmman a bo lo vâng.

H. Thangtluanga, Ramthar ziaktu



SMB RINGTHAR 2018

Sl. No	Field	June thlang	July	July thlang
1	Arunachal East	108	16	124
2	Arunachal North	95	19	114
3	Arunachal West	69		69
4	Assam	50		50
5	Barak	245	37	282
6	Delhi	37		37
7	Jharkhand	213	22	235
8	Karbi Anglong	16	68	84
9	Home Mission North	47		47
10	Home Mission South	52		52
11	Kolkata	610		610
12	Lucknow	178	12	190
13	Nepal	61	7	68
14	Odisha	66	21	87
15	Patna	67	17	84
16	Siliguri	132	22	154
17	Tripura	913	71	984
18	Masihi Sangati	981	202	1183
TOTAL		3940	514	4454



Hatikhal Biak In thar (phek 17-21)
Kohhran mi thenkhat inkhawm bangte

Postal Regn. No MZR/46/2018-2020

RNI Regn. No. 40889/88

MISSIONARY SHORT COURSE TRAINEES

BATH 16-NA

(July 3 - October 9, 2018)



Vei lam aţangin

Tiar khatna Rualkimi, Lucy Vanlalsiami, P.C. Lalthankhumi

Tiar hnihna A. Lalzamlana, T. Niangi, Lalrawngbawli
H. Lalfamkima

Tiar thumna P.C. Ngurliantawna, Lalremruata Khawhring,
Lalramchuana, H. Lalmalsawma

To

If not delivered please return to:
The Manager
Ramthar Chanchinbu
Synod Office, Aizawl, Mizoram,
India. Pin - 796001

**Published by Rev. K. Lalrinmawia and Printed at the Synod Press, Aizawl on
behalf of Ramthar Association, Aizawl, Mizoram. Copies- 34,300**